



FRÉTTABRÉF BSSL

EFNI BRÉFSINS:

Búnaðarþingskosningar.....	1
Aðalfundur BSSL	1
Áminning til Sunnubænda	1
Framboðslisti vegna Búnaðarþingskosninga.....	1
Sæðisdropinn 1/06	2
Skýringar á fjármála-hugtökum	4
Innleggstopnum náð - nú þarf að halda nýttinu í kúnum	4

Á DÖFINNI:

- **21. apríl:**
Aðalfundur BSSL, Flúðum kl. 11.00
- **22.-23. apríl:**
Taming fjárhunda - námskeið

Aðalfundur BSSL

Aðalfundur Búnaðarsambands Suðurlands verður haldinn föstudaginn 21. apríl 2006 að Flúðum í Hrunamannahreppi og hefst kl. 11.00.

Dagskrá:

1. Venjuleg aðalfundarstörf.
2. Kosning stjórnarmanna úr Rangár vallasýslu og endurskoðanda.
3. Landbúnaður og skipulagsmál. Sigurður Ingi Jóhannsson.
4. Önnur mál.

Formenn eru beðnir að skila kjörbréfum til Búnaðarsambandsins í síðasta lagi 19. apríl nk. Æskilegt er ef hægt er að skila tillögum inn til Búnaðarsambandsins viku fyrir aðalfund.

Búnaðarsamband Suðurlands

Framboðslisti vegna Búnaðarþingskosninga 2006

L - Listi, Landbúnaðarlistinn.

1. Sveinn Ingvarsson, Reykjahlíð, Skeiða- og Gnúpverjahreppi
2. Egill Sigurðsson, Berustöðum, Ásahr.
3. Arnar Bjarni Eiríksson, Gunnbjarnarholti, Skeiða- og Gnúpverjahreppi
4. Guðni Einarsson, Þórisholti, Mýrdalsh.
5. Guðrún Stefánsdóttir, Hlíðarendakoti, Rangárþingi-eystra
6. Helga Jónsdóttir, Pykkvabæ, Skaftárh.
7. Guðbjörg Jónsdóttir, Læk, Hraungerðishr.
8. Ágúst Rúnarsson, Vestra-Fíflholti, Rangárþingi-eystra
9. Helgi Eggertsson, Kjarri, Ölfusi
10. Elín Heiða Valsdóttir, Úthlíð, Skaftárh.
11. Jórunn Svavarsdóttir, Drumboddstöðum, Bláskógabyggð
12. Ólafur Eggertsson, Þorvaldseyri, Rangárþingi-eystra
13. Ágúst Ingi Ketilsson, Brúnastöðum, Hraungerðishreppi
14. Kristinn Guðnason, Árbæjarháleigu, Rangárþingi-ytra

Áminning til Sunnubænda

Viljum minna Sunnubændur á að skila til okkar afriti af ársreikningnum til þess að hægt sé að flýta fyrir rekstrargreiningu fyrir árið 2005.

Hægt er að senda skrána rafrænt á valdimar@bssl.is

Fjármálaþjónusta BSSL

Búnaðarþingskosningar 2006

Föstudaginn 31. mars sl. rann út frestur til framboðs til Búnaðarþings. Aðeins barst einn kjörlisti til kjörstjórnar og hefur hún því ákveðið að framlengja frest til framboðs til Búnaðarþings um tvær vikur í samræmi við samþykktir Bændasamtaka Íslands. Framlengdur framboðsfrestur rennur því út 14. apríl n.k. kl. 12:00. Berist kjörstjórn ekki annar kjörlisti fyrir þann tíma skoðast fram kominn kjörlisti sjálfkjörinn og kosningum til Búnaðarþings á svæði Búnaðarsambands Suðurlands árið 2006 lokið. Kjörlistum skal skila til Búnaðarsambands Suðurlands á Austurvegi 1 á Selfossi eða kjörstjórnar ásamt tilskyldum fjölda meðmælenda skv. 13. grein samþykktu Bændasamtaka Íslands. Vakin er athygli á að framlengdur framboðsfrestur rennur út á almennum frídegil, þ.e. föstudeginum langa. Í kjörstjórn eru Þorfinnur Þórarinnsson, Spóastöðum, Elvar Eyvindsson, Skíðbakka 2 og Valur Oddsteinsson, Úthlíð.

Búnaðarsamband Suðurlands
Kjörstjórn



SÆÐISDROPINN

1/06

Nú er lokið afkvæmadómi nauta fæddra 1999. Í þessum árgangi komu 20 naut til afkvæmadóms. Faðerni þessara nauta dreifist nokkuð en flesta syni á Negri 91002 eða sjö talsins, Skjöldur 91022 á fjóra, Hljómur 91012 og Pýrnir 89001 tvo hvor og síðan eiga Almar 90019, Tuddi 90023, Stúfur 90035, Krossi 91032 og Bætir 91034 einn hver.

Nautaárgangurinn 1999 stendur fyrri árgöngum nokkuð að baki hvað varðar afurðagetu en þó er að finna góð naut í hópnum hvað þennan þátt varðar. Einkenni árgangsins er öðru fremur hve lítið er um hyrndar dætur þeirra að ræða. Synir Skjaldar koma hvað best út í skoðun dætra þeirra og síðan stendur Gangandi 99035 upp úr hvað útlit dætra snertir.

Af þessum 20 nautum fær helmingur eða 10 notkunardóm og þar af koma 3 til almennrar notkunar strax en áður voru tveir þeirra komnir í notkun. Fimm þessara nauta verða því í almennri dreifingu. Hér á eftir fer umsögn um þá:

Ábætir 99002 er frá Svalbarði á Svalbarðsströnd, undan Bæti 91034 og Dumbu 619 Suðradóttur 84023. Ábætir gefur mjólkurlagnar kýr með hátt próteininnihald í mjólk. Þær eru júgurhraustar með gallalítla júgur- og spenagerð. Hins vegar er aðeins um breytilegar mjaltir. Heildareinkunn 105.

Pollur 99008 er frá Pverlæk í Holtum, undan Skildi 91022 og Grautargerð 346 Bassadóttur 86021. Dætur hans eru mjög vinsælar og miklar mjólkurkýr með efnahlutföll nærri meðallagi. Júgur- og spenagerð er góð, mjaltir góðar en skap all-breytilegt. Í því sambandi er samt rétt að benda á góða útkomu hans í gæðaröðun dætra. Heildareinkunn 111.

Spuni 99014 er frá Berustöðum í Ásahreppi, undan Stúfi 90035 og Spólu 152 Bassadóttur 86021. Dætur hans eru miklar mjólkurkýr, efnahlutföll í mjólk aðeins undir meðallagi. Júgurgerð þeirra er góð en spenar stundum full langir. Aðeins ber á göllum í mjóltum og skapi. Heildareinkunn 103.

Ótti 99029 er fæddur á Arnstapa í Ljósavatns-hreppi, undan Tudda 90023 og Gyðju 103 Andvaradóttur 87014. Dætur Ótta eru miklar

mjólkurkýr með góða júgur- og spenagerð. Skapgóðar og júgurhraustar kýr en mjaltir eru aðeins breytilegar. Heildareinkunn 106.

Gangandi 99035 er frá Göngustöðum í Svarfaðardal, undan Krossa 91032 og Eyrarrós 115 Práðardóttur 86013. Þessar kýr hafa afurðagetu um meðallag. Þær eru stórglæsilegar að allri gerð, vel borin og falleg júgur með rétt setta og vel gerða spena. Þá eru dætur Ganganda afbragðsgóðar í mjóltum og skap er gott. Heildareinkunn 104.

Nokkur hópur nauta til viðbótar úr þessum árgangi fékk notkunardóm og eins og bændur þekkja er mögulegt að sérpanta sæði úr þeim nautum óski einhverjir eftir að nota þau. Þar eru þessi naut (heildareinkunn innan sviga); Viti 99016 frá Hundastapa á Mýrum (104), Duggari 99022 frá Böðmóðsstöðum í Laugardal (100), Örvar 99028 frá Lambhaga á Rangárvöllum (105), Kofri 99030 (103) frá Stóra-Ármóti í Hraungerðishr. og Oddi 99034 (104) frá Helluvaði á Rangárvöllum.

Besta naut árgangsins 1999 dæmist Pollur 99008 frá Pverlæk í Holtum.

Nautaspjald 2006

Að þessu sinni verður ekki gefnin út ný nautaskrá en hún kom út í haust. Þess í stað kemur út nýtt nautaspjald en á því verða öll naut sem eru í nautaskrá 2005-06 auk þeirra Ábætis 99002, Ótta 99029 og Ganganda 99035.

Nautsfeður

Úr 1999 árgangnum var aðeins valið eitt naut sem nautsfaðir en það er Pollur 99008. Auk hans eru þeir Hersir 97033, Rosi 97037, Glanni 98026, Fontur 98027, Umbi 98036 og Prasi 98052 til notkunar sem nautsfeður næstu mánuði.

Nautkálfar á stöð

Á árinu verða teknir nautkálfar á stöð undan eftirtöldum nautum: Teinn 97001, Stígur 97010, Brimill 97016, Randver 97029, Hersir 97033, Rosi 97037, Glanni 98026, Fontur 98027, Umbi 98036, Prasi 98052 og Pollur 99008. Þá geta kálfar undan eldri nautsfeðrum komið til greina. **Látið endilega vita um nautkálfa undan kúm á nautsmæðraskrá og efnilegum kvígum með háa ætternisspá.**



SÆÐISDROPINN

1/06 frh.

Á þessu ári eru menn beðnir að **sæða nautsmæður** með einhverju eftirtalinna nauta: Hersir 97033, Rosi 97037, Glanni 98026, Fontur 98027, Umbi 98036, Prasi 98052 og Pollur 99008.

Á nautsmæðraskrá eru eins og áður kýr með 115 eða hærra í kynbótamat og 90 eða hærra fyrir prótein. Til greina kemur að taka nautkálfa undan kúm með kynbótamat á bilinu 110-114. **Allar nautsmæður þurfa að vera kollóttar og gallalausar hvað varðar júgur, spena, mjaltir og skap. ATHUGIÐ** að á útsendri nautsmæðraskrá eru allar ættfærðar kýr með 110 og hærra í kynbótamat þó svo þær standist ekki kröfur varðandi útlitsdóm.

Þá er þeim tilmælum beint til manna að láta **sæða efnilegar og vel ættaðar fyrsta og annars kálfs kvígur með nautsfeðrum** þó kynbótamat liggja ekki fyrir með það í huga að bjóða nautkálfa undan þeim.

Ætternismat ásetningskvígna hefur verið sent út undanfarin ár og má nota það til hliðsjónar. Frjótækna hafa einnig lista með þeim kvígum sem álitlegar eru sem nautsmæður.

Holdasæði

Eins og áður stendur til boða sæði úr Angus, Galloway og Limousine nautum. Þau naut sem til er sæði úr eru:

Angus: Angi 95400, Álfur 95401 og Arður 95402.
Galloway: Holdi 83649, Reynir 83654, Rúgur 84666, Borði 85682, Hnallur 86690, Búálfur 87604, Frakkur 87696, Hímir 88610, Nóri 88611, Sóli 88612, Naglfari 90627, Bor 90632, Hólmi 91637, Mótor 91638 og Hofmann 92500.
Limousine: Ljúfur 95450, Ljómi 95451 og Lindi 95452.

Ávallt eru einhver þessara nauta í kútum frjótækna en sé áhugi á sérstöku nauti þá talið við frjótækni tímanlega ef það þyrfti að panta frá Hvanneyri.

Ungnaut

Sæðistaka á Hvanneyri hefur gengið vel að undanfögnu og notkun ungnauta hefur verið í góðu jafnvægi. Á árinu 2005 var notkun þeirra 48,5% af heildarnotkun sæðis.

Útsending er langt komin úr nautum f. 2004. Dreifingu er lokið úr Eldi 04001, Pyn 04006,

Farsæl 04007, Salómon 04009, Hlaupara 04010, Ingjaldi 04011, Prumara 04015, Hjálmi 04016, Kúti 04018, Rauð 04021, Stássa 04025 og Búsæl 04025.

Dreifing er langt komin, þ.e. yfir 600 sk. farnir frá Hvanneyri, úr: Jaxli 04027, Hengli 04037, Fjalla 04040 og Þjálfá 04047.

Útsending er hafin úr Degi 04035, Stíl 04041, Ára 04043 og Jaka 04044.

Guðmundur Jóhannesson



Pollur 99008 frá Pverlæk, besta naut 1999 árgangsins.

Skýringar á fjármálahugtökum

Raugengi

Raugengi má skilgreina sem hlutfallslega þróun verðlags eða launakostnaðar á einingu í heimalandi annars vegar og viðskipalöndunum hins vegar frá tilteknu grunnári og mælt í sama gjaldmiðli. Raugengi er jafnan sýnt sem vísitala.

Gengisvísitala

Gengisvísitala íslensku krónunnar mælir verðgildi erlendra gjaldmiðla gagnvart krónunni. Þegar vísitalan hækkar er verð erlendra gjaldmiðla að hækka í krónum talið. Hækkun vísitöluunnar jafngildir því lækkun á gengi íslensku krónunnar (krónan að veikjast). Þegar vísitalan lækkar er gengi krónunnar hins vegar að hækka (krónan að styrkjast). Vísitalan er samsett úr myntum þeirra þjóða sem við eigum mest viðskipti við. Seðlabanki Íslands endurskoðar árlega samsetninguna í ljósi utanríkisviðskipta ársins á undan.

Krossgengi

Gengi gjaldmiðla er oft á tíðum miðað við gengi Bandaríkjadals og getur því verið nauðsynlegt að reikna út gengi milli tveggja gjaldmiðla með því að styðjast við gengi þeirra gangvart bandaríkjadal, s.k. krossgengi gjaldmiðlanna. Dæmi: Ef sölu-

gengi norsku krónunnar er \$0,11 og kaupgengi japanska jensins er \$0,01, þá er krossgengið 1,1 NOK/JPY.

EBIT (e. Earnings Before Interest and Taxes)

Hagnaður fyrir fjármagnsliði og skatta, rekstrarhagnaður.

EBITDA (e. Earnings Before Interest, Taxes, Depreciation and Amortization)

Hagnaður fyrir fjármagnsliði, skatta og afskriftir. EBITDA er mikið notaður mælikvarði á framlegð fyrirtækja, eða því hvað reksturinn er að skila. Nettóframlegð er reiknuð með því að deila veltu (án söluhagnaðar) upp í EBITDA.

Upplýsingar um LIBOR vexti

Til að fá upplýsingar um LIBOR-vexti er hægt að fara inn á heimaíðu British Bank Association, (<http://www.bba.org.uk/bba/jsp/polopoly.jsp?d=141&a=627>) en þar er tenging inn á exel skjöl sem sýna libor vexti.


Heimildir: Heimasíður banka

Valdimar Bjarnason

Innleggstoppnum náð - nú þarf að halda nytinni í kúnum

Það sem af er verðlagsárinu eða til og með viku 13 á þessu ári er mjólkurinnlegg á Selfossi rétt tæplega 24,9 millj. lítra. Þetta er 335.280 lítrum meira en á sama tíma í fyrra eða 1,37%. Á landsvísi er innlegg þessa verðlagsárs komið í um 61 milljón lítra eða nálægt 55% af heildargreiðslumarki. Í fyrra var innlegg á sama tíma nokkru meira. Áhyggjuefnið er að nú virðist innleggstoppnum vera náð þar sem innlegg milli vikna virðist standa í stað nú. Við skoðun sæðingaskýrslna er ekki að sjá annað en fækkun burða fram í ágúst þannig að nú ríður á að halda nyt kúna eins lengi fram á sumarið og mögulegt er eigi að vera möguleiki að ná því innleggi sem mjólkuriðnaðurinn þarf.

Greitt verður fullt afurðastöðvarverð fyrir alla umfram mjólk í sumar. Þá hefur verið greitt hvatningarálag (1,70 kr/ltr.) á innvegna mjólk undanfarna mánuði og verður svo út apríl. Mjólkurverð í dag er 45,45 kr/ltr. miðað við 4,00% fitu og 3,32% prótein. Ef tekið er mið af upphæðum beingreiðslna og innleggi í júlí og ágúst í fyrra gæti C-greiðsla mjólkur í júlí í ár numið 7 kr/ltr.



og í ágúst um 11,50 kr/ltr. sem kemur þá til viðbótar fullu afurðastöðvarverði.

Guðmundur Jóhannesson